

## Cyngor Cymuned Llanrug

### Cyflwyniad

Bydd yr aelodau yn ymwybodol fod y Cyngor wedi penderfynu, peidio ac agor cyfrif gwefan cymdeithasol am wahanol resymau, megis Facebook a Twitter. Fodd bynnag, mae defnydd yn cael ei wneud gan aelodau a'r Clerc o wefan 'Nextdoor Llanrug' ar gyfer hysbysu gweithgareddau, hysbysu pan fo gweithgaredd wedi ganslo neu yn gyfle i aelod o'r cyhoedd yn gofyn cwestiwn. Mae wedi bod yn ffordd effeithiol o ymgysylltu a'r gymuned ac roedd hyn yn amlwg yn y bobl ddaeth allan yn y diwrnod casglu sbwriel.

Mae defnydd diweddar o hyn yn cynnwys hysbysebu diwrnod casglu sbwriel, hyfforddiant diffibriliwr, hysbysebu fod yr hyfforddiant wedi ei ganslo ynghyd ac ymholiadau am grit. Mae rhai aelodau o'r Cyngor wedi anfon negeseuon allan arno ynghyd a'r Clerc, ac oherwydd yr ystyrir hwn yn wefan gymdeithasol, mae'n ofynnol fod y Cyngor yn mabwysiadu polisi ar sut i ddefnyddio'r wefan. Tydi mabwysiadu'r polisi yma, ddim yn ymrwymo'r Cyngor i greu cyfrif Facebook neu Twitter dim ond i nodi rheolau ar sut i gyfathrebu ar wefan fel 'Nextdoor Llanrug'.

Bydd yr aelodau yn cydnabod gwerth y wefan yma yn sgil y nifer ddaeth i droi allan yn y diwrnod casglu sbwriel. Mater i'r Cyngor yw i benderfynu os oes cyfyngiad ar bwy sydd yn postio gwybodaeth arno.

Mae chwyldro yn digwydd yn y ffordd yr ydym yn cyfathrebu ac mae angen i'r Cyngor ystyried y ffordd mae'n cyfathrebu gyda'r etholaeth ac fod defnydd o wefan fel Nextdoor Llanrug yn galluogi'r Cyngor gyfleu negeseuon at ystod eang o bobl yn syth. Mae hyn yn newid y ffordd yr ydym yn byw, gweithio a hyd yn oed sut rydym yn siarad a meddwl. Byddai defnydd o wefan fel Nextdoor Llanrug yn bodloni argymhelliad y panel adolygu annibynnol ar Gynghorau Cymuned a Thref yng Nghymru ble mae'n argymhell fod y cyngor yn defnyddio gwefan gymdeithasol fel ffordd o ymgysylltu a'r gymuned.

Mae cyfryngau cymdeithasol yn derm cyffredinol a ddefnyddir ar gyfer nifer o arfau aml-gyfryngol ar-lein a ddefnyddir i greu cynnwys a chyfathrebu dwyffordd. Gellir cael mynediad atynt o'ch ffôn clyfar, cyfrifiadur, gliniadur, tabled neu deledu clyfar. Mae'r holl gyfrifon cyfryngau cymdeithasol yn rhad ac am ddim a gellir eu trefnu'n gyflym a rhwydd o dudalen Rhyngwyd.

## **1. Datganiad polisi**

1.1. Pwrpas y polisi hwn yw cynorthwyo'r Clerc ac aelodau etholedig i wneud penderfyniadau priodol ar ddefnyddio cyfryngau cymdeithasol megis gwefannau rhwydweithio cymdeithasol, fforymau, byrddau negeseuon, blogiau neu sylwadau ar we-erthyglau, megis 'Nextdoor Llanrug'.

1.2. Mae'r polisi hwn yn amlinellu'r safonau y mae'r Cyngor yn disgwyl gan y clerac ac aelodau etholedig eu cadw wrth ddefnyddio cyfryngau cymdeithasol, o dan ba amgylchiadau y caiff eich defnydd o gyfryngau cymdeithasol ei fonitro a'r camau a gymerir os gwelir fod amodau'r polisi wedi cael eu torri.

## **2. Cwmpas y polisi**

2.1. Mae disgwyl i'r Clerc ac aelod etholedig gydymffurfio â'r polisi hwn yn ddiwahân i warchod preifatrwydd, cyfrinachedd a buddiannau'r Cyngor.

2.2. Os yw'r Clerc yn torri amodau'r polisi hwn gellir ymdrin â hyn drwy gamau disgyblu ble gall arwain at ddiswyddiad diannod.

2.3. Os yw aelodau etholedig yn torri amodau'r polisi hwn ymdrinnir â hynny yn unol â'r Cod Ymddygiad.

## **3. Cyfrifoldeb am weithredu'r polisi**

3.1. Gan y Cyngor y mae'r cyfrifoldeb cyffredinol am sicrhau gweithrediad effeithiol y polisi hwn.

3.2. Y Clerc sydd yn gyfrifol am fonitro ac adolygu gweithrediad y polisi hwn ac am wneud argymhellion ar gyfer newidiadau i leihau'r risgiau i waith y Cyngor.

3.3. Dylai'r Clerc ynghyd ac aelodau etholedig sicrhau eu bod yn cymryd yr amser i ddarllen a deall y polisi hwn a'i arwyddo. Dylai unrhyw enghreifftiau o dorri amodau'r polisi hwn gael eu hysbysu i Glerc neu Gadeirydd y Cyngor.

3.4. Dylai cwestiynau am gynnwys neu weithredu'r polisi hwn gael eu cyfeirio at y Clerc.

#### **4. Defnyddio gwefannau cyfryngau cymdeithasol yn enw'r cyngor**

4.1. Caniateir i'r Clerc, Cadeirydd neu Is-gadeirydd bostio deunydd ar wefan cyfryngau cymdeithasol yn enw'r Cyngor ac ar ei ran yn unol â rheolau a chwmpas y polisi hwn.

4.2. Os nad ydych yn sicr a yw eich sylwadau yn briodol peidiwch â'u postio cyn gwirio hynny gyda'r Clerc.

#### **5. Defnyddio cyfryngau cymdeithasol**

5.1. Mae'r Cyngor yn cydnabod pwysigrwydd y rhyngrwyd wrth ddylanwadu ar y ffordd y mae'r cyhoedd yn meddwl am y Cyngor a'r gefnogaeth a'r gwasanaethau mae'n eu darparu i'r gymuned.

- a) Cyn defnyddio cyfryngau cymdeithasol ar unrhyw fater yn ymwneud a'r Cyngor mae'n bwysig eich bod wedi darllen, deall ac arwyddo y polisi hwn. Ni chaniateir i unrhyw un bostio negeseuon ar wefannau cymdeithasol yn ymwneud ac unrhyw weithgareddau sydd yn ymwneud a'r Cyngor oni bai eu bod wedi derbyn y polisi hwn drwy ei arwyddo.
- b) Bod unrhyw un sydd yn gwneud gwaith ar ran y Cyngor wedi cael caniatâd ysgrifenedig ymlaen llaw i wneud hynny gan y Clerc.

#### **6. Rheolau ar gyfer defnyddio cyfryngau cymdeithasol**

Pryd bynnag y caniateir ichi ddefnyddio cyfryngau cymdeithasol yn unol â'r polisi hwn, mae'n rhaid ichi gadw at y rheolau cyffredinol canlynol:

6.1. Peidiwch ag uwch lwytho, postio na danfon ymlaen ddolen at unrhyw gynnwys anwedus, ffiائد, wahaniaethol, aflonyddus, bychanol neu ddifenwol.

6.2. Dylai unrhyw un sy'n teimlo y cawsant eu haflonyddu neu fwlïo, neu a dramgwyddwyd gan ddeunydd a bostiwyd neu a uwch lwythwyd gan gydweithiwr ar wefan cyfryngau cymdeithasol, roi gwybod i'r Clerc.

6.3. Peidiwch byth â datgelu gwybodaeth fasnachol sensitif, bersonol, breifat neu gyfrinachol. Os nad ydych yn siŵr a yw'r wybodaeth yr hoffech ei rhannu yn perthyn i un o'r categorïau hyn, dylech drafod hynny gyda'r Clerc.

6.4. Peidiwch â llwytho, postio na danfon ymlaen unrhyw gynnwys sy'n eiddo i drydydd parti onid oes gennych gydsyniad y trydydd parti dan sylw.

6.5. Cyn ichi gynnwys dolen i wefan trydydd parti, gwiriwch fod amodau a thelerau'r wefan honno yn caniatáu ichi wneud dolen iddi.

6.6. Wrth ddefnyddio unrhyw lwyfan cyfryngau cymdeithasol, mae'n rhaid ichi ddarllen a chydymffurfio ag amodau ei ddefnyddio.

6.7. Byddwch yn onest ac agored, ond byddwch yn ystyriol o'r effaith y gallai eich cyfraniadau ei chael ar ganfyddiadau pobl o'r Cyngor.

6.8. Rydych yn bersonol gyfrifol am gynnwys a gyhoeddwch ar declynnau cyfryngau cymdeithasol.

6.9. Peidiwch â dwysáu trafodaethau tanbaid, ceisiwch fod yn gymodlon, yn barchus a chyfeiriwch at ffeithiau er mwyn gwneud y trafod yn llai blin a chywiro anwireddau.

6.10. Peidiwch â thrafod cydweithwyr heb gael eu cydsyniad ymlaen llaw.

6.11 Dylech bob tro ystyried preifatrwydd pobl eraill a pheidiwch â thrafod materion allai fod yn ymfflamychol e.e. gwleidyddiaeth a chrefydd. Cofiwch, er ei bod yn dderbyniol gwneud pwyntiau gwleidyddol neu ganfasio am bleidleisiau trwy eich cyfrifon cyfryngau cymdeithasol eich hunain, na fydd hynny'n dderbyniol os ydych yn cynnig barn ar ran y Cyngor.

6.12 Peidiwch â chyhoeddi eich manylion cyswllt os all pobl nad oeddech yn bwriadu iddynt eu gweld gael gafael arnynt a gwneud defnydd helaeth ohonynt, a pheidiwch byth â chyhoeddi manylion cyswllt unrhyw un arall.

## **7. Monitro'r defnydd o wefannau cyfryngau cymdeithasol**

7.1. Dylai'r Clerc ac aelodau etholedig fod yn ymwybodol y gall unrhyw ddefnydd o wefannau cyfryngau cymdeithasol (os ydynt yn cael eu defnyddio at ddibenion y Cyngor ai peidio) gael ei fonitro a, phan ddarganfyddir enghreifftiau o dorri'r polisi hwn, y gellir cymryd camau yn erbyn gweithwyr o dan ein Gweithdrefn Ddisgyblu a chynghorwyr o dan y Cod Ymddygiad.

7.2. Mewn rhai amgylchiadau, gall camddefnyddio gwefannau cyfryngau cymdeithasol, fod yn drosedd neu gall roi bod i rwymedigaeth gyfreithiol yn eich erbyn chi a'r Cyngor.

7.3. Yn benodol, mae'n debyg y bydd achos difrifol o uwch lwytho, postio, danfon ymlaen neu bostio dolen at unrhyw un o'r mathau canlynol o ddeunydd ar wefan cyfryngau cymdeithasol, boed yn broffesiynol neu'n bersonol, yn gyfystyr â chamymddwyn difrifol/torri amodau'r Cod Ymddygiad (nid yw'r rhestr hon yn hollgynhwysol):

- a) deunydd pornograffig (hynny yw, ysgrifennu, lluniau, ffilmiau a chlipiau fideo o natur amlwg rywiol neu rywiol gynhyrfiol);
- b) datganiad anwir neu ddifenwol am unrhyw berson neu sefydliad;
- c) deunydd sy'n dramgwyddus, ffaidd, troseddol, gwahaniaethol, bychanol neu allai beri embaras i'r Cyngor, ein cynghorwyr neu ein gweithwyr;
- d) gwybodaeth gyfrinachol am y Cyngor neu unrhyw un arall;
- e) unrhyw ddatganiad arall sy'n debygol o greu unrhyw gyfrifoldeb (boed droseddol neu sifil, boed ichi neu'r sefydliad); neu
- f) ddeunydd sy'n torri hawlfraint neu hawliau eiddo deallusol eraill, neu sy'n tarfu ar breifatrwydd unrhyw berson.

Eir i'r afael ag unrhyw weithredu o'r fath o dan y Weithdrefn Ddisgyblu / Cod Ymddygiad.

7.4. Pan ddarganfyddir tystiolaeth o gamddefnyddio gall y Cyngor gynnal ymchwiliad manylach fyddai'n cynnwys archwilio a datgelu cofnodion monitro i'r sawl a enwebwyd i gynnal yr ymchwiliad ac unrhyw dystion neu reolwyr sy'n rhan o'r ymchwiliad. Os oes angen, gellir rhoi gwybodaeth o'r fath i'r heddlu fel rhan o ymchwiliad troseddol.

7.5.Os sylwch fod unrhyw ddefnydd o gyfryngau cymdeithasol gan weithwyr eraill/aelodau etholedig yn torri'r polisi hwn dylech roi gwybod i'r Clerc.

## **8. Monitro ac adolygu'r polisi**

8.1. Bydd y Cyngor yn gyfrifol am adolygu'r polisi hwn bob blwyddyn i sicrhau ei fod yn bodloni gofynion cymdeithasol ac yn adlewyrchu arfer gorau.

Mabwysiadwyd y polisi hwn gan y Cyngor ar Nos Fawrth 19fed o Fawrth 2019

Arwyddwyd

Cynghorydd

Dyddiad: